

Las alps de Rueun

Autor(en): **[s.n.]**

Objektyp: **Article**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **15 (1941)**

PDF erstellt am: **22.07.2024**

Persistenter Link: <https://doi.org/10.5169/seals-881178>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Las alps de Rueun

Sur las alps de Rueun vegn a nus relatau:

La vischnaunca de Rueun posseda duas alps; proprietari de quellas ei la vischnaunca. Pli baul stuevan ils purs de Rueun ceder a quels de Siat ina partida stèra ed empau mignucas per il toc alp sur ils cuolms de Siat. Uss ei quei toc pastira cumpraus ora dalla vischnaunca de Rueun.

Ell' alp de vaccas vegn ei cargau 120—150 tgaus; de quels 100—120 vaccas, empau gene-tschas e vadias-taur. — En l' alp de stiarls vegn ei cargau 80—100 tgaus biestga schetga. Nossas alps sesanflan sin territori de Rueun e vegnan administradas d' ina commissiun ded alp. Alp de nuorsas havein nus negina; ils pors vegnan cargai ell' alp de vaccas, 10—20 tgaus, pli baul entochen 60. — L' alp de vaccas ha treis midadas: la midada sut — miez e sura; l' alp de stiarls duas, sura e sut. Fumeglia havein nus: dus signuns, dus zezens, dus pasters e dus purtgers. Cargau vegn ei cura che la neiv sil Péz Mundaun ei svanida e scargau ils 18 de settember.

Pertenent las taxas eis ei aschia: Ei vegn tagliau sil latg; per 100 liters frs. 1.90; silla vacca ca frs. 12.—; taglia generala ca frs. 1.70 per tgau e per la vischalla ca frs. 1.—.

Leutier vegn igl arvè: per ina vacca frs. 5.—; arvè per ina genetscha frs. 25.—; per in vadi frs. 25.—; per ina mugia frs. 15.—. Per mintga vacca sto aunc vegnir prestau dus dis lavur cumina.

L' alp posseda ina via carrabla tochen sura. Ei vegn tratg ad alp cun carr e sliusa cun gurvèt. Ell' alp de vaccas a Stavel sut sesanflan duas tegias ed in nuegl; a Stavel miez duas tegias, ina casetta de durmir cun tschaler, in camon de piertg; a Stavel sura duas tegias. Dapli sesanflan sura e sut in „fici“ pils pasters ed ell' alp de stiarls, sut e sura, in fici. L' untgida sesanfla dado ils cuolms de Rueun. Il transport de lenna vegn praticaus cun bèrt; igl uaul tonscha tochen si las tegias miez. — Las alps vegnan benedidas mintg' onn ed igl augsegner obtegn persunter in stèr ed in tschagrun. Pertenent la tradiziun alpestra, q. v. d. detgas e praulas ded alp, negin che seregorda pli. —

Pastur grischun

*Cheu el Grischun, la patri' alpina
Sil cuolm grischun, con bi, con bi eis ei!
Cur che l' aurora vegn ord tgina
Cur che il di va a durmir puspei.
Da lunsch scadin quita mundan
Con bi eis ei sil cuolm lontan!*

*Sur jarva spessa fa parada
En tschien colurs de loschas flurs in flor,
Cadeinan ferm a mi l' egliada,
Cadeinan ferm miu giuven, legher cor,
Sche vus caleis buc de flurir,
Stoi jeu viver e murir.*

*Tras il cagliom sper teissa via
Tschallat' il Rein siu maiestus choral,
Bransinas fan la melodia
Neu dalla spunda dil bual,
Ferton che jeu cun cor ardent
La tiba sunel or el vent.*

*Cheu el Grischun, la patri' alpina
Sil cuolm grischun, con bi, con bi eis ei!
Cur che l' aurora vegn ord tgina,
Cur che il di va a durmir puspei,
Engraziel jeu a Ti, Signur,
Che Ti has fatg mei in pastur.*

Sur Gion Cadieli, Trun